


王荆文公詩箋註

五



王荆文公詩卷之七

鴈湖李

壁

須溪劉

辰翁

古詩

虎圖

或言公作此詩譏韓忠獻恐無此

目光夾鏡當坐隅橫行

非羆亦非貍難起目光夾鏡當坐隅橫行

不畏逐顧盼欲去仍躊躇卒然我見心為動

熟視稍稍摩其鬚它說虎處不過三兩句却有許多雍容調度固知畫

者巧為此此物安肯來庭除想當繫礮欲盡時睥

睨衆史如庸奴神閑意定始一掃功與造化論錙

銖悲風颯颯吹黃蘆上有寒雀驚相呼搓牙死樹

鳴老鳥向之俛喙如哺雛山牆野壁黃昏後馮婦

遙看亦下車自然知是畫虎凡賦亦皆有譏妙入想像語見事外何必為何人作皆

身淺論

爾雅羆如熊黃白文又曰羆似狸今羆虎大於虎豹文如狸。顏延年赭白馬賦雙瞳夾鏡。莊子畫史解衣槃礴羸。或言王介甫歐陽永叔梅聖俞與一時聞人坐上分題賦虎圖介甫先成衆服其敏妙永叔乃袖手或曰此體壯而盡鵲行耳人抵前輩多摸取古人意以解解

緣此其一也

次韻歐陽永叔端溪石枕蘄竹簟

端溪琢枕綠玉色蘄水織簟黃金紋翰林所寶此



兩物笑視金玉如浮雲都城六月招客語地上赤
日流黃塵燭龍中天進無力客主歎然各疲劇形
骸直欲坐棄志冠帶安能強修飾恃公寬貸更不
疑箕倨豈復論官職笛材平瑩家故藏硯璞切清
此新得掃除堂屋就陰翳公不自眠分與客知公
用意每如此真能與物同其適豈比法曹空自私
却願天日長炎赫公材卓犖人所驚久矣四海流
聲名天方選取欲扶世豈特使以文章鳴深探力
取常不寐思以正議排縱橫奈何甘心一榻上欲
卧穎尾為潔清賢愚勞佚非一軌顧我病昏惟未
死心於萬事久蕭然身寄一官真偶爾便當買宅
歸偃休白髮青山如願始看公勦力就太平却上
青天跨箕尾

七卷

二

端州高要縣有溪人於此鑿石為硯其名正紫
而微青。古書燭龍崑山神也。又山海經赤水
之北有山其神人面蛇身其瞑乃晦其視乃明
是謂燭龍。曲禮坐無箕箕倨謂伸兩足而坐
其形如箕公不自眠則客對主人眠不但箕倨
而已人言介甫嗜睡夏月常用方枕或問何意
公云睡久氣蒸枕熱則轉一方冷處此真知睡
者歐公端石枕其形製疑亦方者。退之謝鄭
羣贈筆詩法曹貧賤衆所易腰腹空大何能為
倒身甘寢百疾愈却願天日長炎曦。此詩歐
公為翰苑時已有歸穎之意。退之蓋記偃寢
休者二人。莊子傳說乘東維騎箕尾。

和吳冲鄉雪

陽回力能遭陰合勢方聳填空忽汗漫造物誰憇
漁輒於孽絮紛細若吹毛辭雲連書已替風助宵
仍洶憑陵雖一時變態亦千種簾深卷或避戶隘
關尤擁滔天有凍痕匝地無荒隴飛揚類挾富委
翳等辭寵穿幽獨相重值險輒孤聳積慘會將舒
群輕那久重紛華初滿眼消釋不旋踵槁樹散飛
花空簷落懸漣何當因炎熱以此滌煩壅共約市
南人收藏不為冗

中山王勝傳羣輕片軸此句似有所譏者○漢書漣乳汁也又佛書付法傳商那于出香乳懸泉流注

七卷

三

和冲卿雪并示持國

地卷江海浮天吹河漢湧北風散作花巧麗世無
種霾昏得照曜塵滓歸掩擁荒林無空枝幽瓦有
高墉分纜一毛絀聚或千鈞重飛揚目已眩摧壓
聽還兌漁舟平繫舫樵屨沒歸踵空令物象瑩豈
免川塗壅爭光嫦娥妬失色羲和恐賴逢陽氣蒸
轉作水波溶舞庭稱賀嚴掃路傳呼寵衝游謝心
甘閑冗吳侯絕俗唱韓子當敵勇勝負觀
豈又以前韻為未足展驥廣之
唐韋斌宰相安石子也每朝會不敢離立笑言
嘗大雪在廷者皆振裾更立斌不徙足雪甚幾

至樸亦不才。○唐開元遺事。王元寶每大雪之際。令僕夫自門巷掃雪。為徑路。以迎賓客。其宴飲之會。為煖寒。○表安偃卧。見讀眉山集。雪詩注。○吳侯指冲。如韓子謂持國。○黥布傳。陰拱而觀。其執勝。師占曰。斂手曰拱。言不動。搖坐觀。成敗也。

送石賈歸寧

虛名謔長者。邂逅肯經過。所操十餘篇。浩蕩決江河。側身朝市間。樂少悲慙多。文章舊所好。久已廢吟哦。開編喜有得。一讀瘳沉疴。裹飯北城陰。求讓從晤歌。又欲及歲晚。空堂掃絲窠。稍出平生言。道藝相琢磨。忽隨鴈南飛。當此葉辭柯。去去復何言。高想見青坡。陀黃花一盃酒。為壽樂如何。微詩等

卷七

瓦礫持用報隋和

亦不多少

韓詩。絲窠。掃還成。○梨嶺。在楚州浦城縣。○隋侯之珠。十和之壁。皆至寶也。

送張拱微出都

歸即不自得出門。無所投。送人以此慨然。獨尋城隅水。

送子因遠遊。荒林纏悲風。慘慘吹駭裘。捉手共笑語。顧瞻中河舟。嗟人昔行樂。而我方坐愁。腸胃繞鍾山。形骸空此留。念始讀詩書。豈非亦有求。一來累青衫。觸事自悔尤。誤為世所容。榮祿今白頭。塞責以區區。一毛施萬牛。不足助時治。但為故人羞。寬恩許自効。終欲東南流。子今涉冬江。船必

泊蔡洲寄聲冶城人爲我問一丘意然不自得之

下風景者
司馬遷春任安書若九牛亡一毛。蔡州非汝
蔡乃在建康城西南治城見仲明父至宿注。
漢班嗣報有諱書曰。柘是於一丘則天下不易
其樂。

寄題睡軒

劉侯少忼慨天馬脫羈羈一官不得意州縣老委
蛇新居當中條墻屋稍補治疏軒以睡名從我遠
求詩朝廷法令具百吏但循持又况佐小邑有才
安所施賦租如簿領獄訟了鞭笞翛然即高枕於
此樂可知王官有空谷隱者常棲遲拂榻夢其人
亦足慰所思予嗟久留連竊食坐無爲浩歌臨西風
更欲往從之

卷十一

五

劉侯不詳爲誰。司空圖隱居中條山王官谷

冲鄉席上得昨字

嗟予乏時才始願乃立壑強走十五年朱顏已非
昨低回大梁下屢歎風沙惡所欣同舍郎誘我文
義博古聲無惱滯真味有淡泊追攀風月貌簡
非心略君恩忽推徙所望頗乖錯尚憐得經過未
比參辰各留連惜餘景從子至日落明燈照親友
環坐傾杯杓別離寬後悲笑語盡今樂論詩知不

如與至亦同作

同舍郎出直不疑傳。揚子吾不睹參辰之相
比也。

塞翁行

塞翁少小壟上鋤，塞翁老來能捕魚。
魚長如人水，蒲眼桑柘死盡生。
美蕪家家新堤廣，能築胡兒壯馬休。
南牧北風卷，却波浪聲祇放田車行。
輶輶

謝玄暉詩春色良已凋，秋場廣能築。賈過秦論胡人不敢南下而牧馬。

白溝行

白溝河邊蕃塞地，送迎蕃使年年事。
蕃使常來射狐兔，漢兵不道傳烽燧。
萬里鉏耰接塞垣，幽燕桑

卷七

六

葉暗川原，棘門灞上徒兒戲。
李牧廉頗莫更論

國以和好為久，可恃不沒，越白溝一步也。

白溝在安南北十五里，闊纔丈餘，古亦名巨馬河。本朝與遼人分界處。公此詩必作於使北時也。竊味全篇已微見經理之意。君臣之間志造弗遂，其卒乃為政宣之禍，豈非天哉！余頃因使燕，亦嘗過所謂白溝者，河甚淺狹，可涉地屬涿州。○師古曰：晝燔燧，夜舉烽。○鉏耰字出過秦論。萬里鉏耰，接塞垣。詞不迫而意則深矣。○亞夫傳：文帝曰：嗟乎！此真將軍矣。嚮者灞上棘門如兒戲耳。其將固可襲而虜也。○至於亞夫可得而犯耶？兒戲謂劉禮、徐厲也。○又公賦此詩，實昭陵時。按當時從臣歐陽公奏疏有云：兵法曰：將者民之司命，國家安危之主也。今外以李昭亮、王克基、葉當契、丹內以曹瑛、李用和等衛天子，如當今之事勢，而以民之司命國之安危繫此數人，安得不取笑四夷為其輕侮詩所稱棘門、灞上，或亦歐公之意也。

河間

河間今屬河北瀛州防禦郡

北行出河間千歲想賢王胡麻生蓬中詰曲終自傷好德尚如此恃才宜見戕乃知陰自修彼不為

傾商

字不特未

區區三世家廟冊富文章教子

以空言得祚果不長

老人語

此言諸侯王多不循理道獻王獨以賢稱所謂大雅卓爾不羣也。荀子蓬生麻中不扶而直言王性本直因武帝之忌而縱酒自晦所以為詰曲也。恃才指淮南王安之類。陰自修謂周文王為諸侯時。武帝立三王皆有制冊見武五子傳言武帝不以躬行化其子徒以空言勉之宜三王之後皆不長也。

陳橋

余嘗過陳橋今改為郭橋

卷七

七

走馬黃昏渡河水夜爭歸路春風裏指點韋城太白高投鞭日午陳橋市場柳初回陌上塵烟脂洗出杏花勻紛紛塞路堪追惜失却新年一半春為來處自然輕輕便片 ○韋城滑州屬縣大白高將曉也

澶州

去都二百五十里

以見當日危甚二具

河流中間兩城峙南

城草草不受兵此城樓櫓如邊城城中老人為予

語契丹此地經鈔虜黃屋親乘矢石間胡馬欲踏

河水渡天發一矢胡無首河水亦破沙水流歡盟

從此至今日丞相萊公功第一

語如不著褒貶熟味最高

續盤 上謂蕭日 日契丹已入寇朕當親征決
勝卿等共議河時可以進發畢士安曰順動之
事更望徐圖寇準曰大兵在外進發之期不可
稽緩冬重駕北巡及駐蹕韋城虜益南侵羣臣
復有以王欽若南幸金陵之謀告上意稍惑準
入對曰今虜寇迫近四方危心陛下惟可進尺
不可退寸若曰輦數步則萬衆瓦礫非金陵亦
不可得而至矣殿前都指揮使高瓊亦奏曰寇
華言是願陛下亟幸澶州上意遂決行次衛南
謂蕭曰虜率衆抵澶州直犯大軍圍合李繼隆等
從事虜率衆抵澶州直犯大軍圍合李繼隆等
整軍成列以禦之分次勁弩控扼要害虜統率
異其旗幟躬立誓戮虜虜軍頭張瑄守牙子弩
弩箭發接攢中額美其徒數十百輩競前與
至寨是夜捷攬死虜大挫劔退却不敵動驚自
南成幸北城虜退和議
成皆寇準之功也

北客置酒

卷七

八

紫衣操鼎置客前巾韝稻飯隨梁餽引刀取肉
割啖客銀盤臂臑羹與鮮殼勤勤侑邀一飽卷
牲歸舍觴更傳山蔬野菓雜餼蜜罐脯豕腊加
包煎酒酣衆吏稍欲起小胡摔耳爭留連爲胡
止飲且少安一杯相屬非偶然

禮記少儀其禮太牢則以牛六有臂臑拈九介
又臂臑謂有脚曲禮下棗魚曰肅祭鮮魚曰
臠祭鄭司農云鮮謂生肉臠謂乾肉爾雅狼
牡名獾此名晉載訛劉耀問曰大胡來耶小
胡來耶摔耳胡人以爲重礼又金日磾傳日磾
摔胡

寄育王山長老常坦

道人少賈海上游海舶破散身波浮抱金滿篋人

所寄吹歎偶得還中州羸身歸來不受報祇取斗
酒相獻酬歡娛慈母終一世脫去妻子藏叢幽
煙寥寥池水漫白玉齒齒吹高秋夜燃柘子煮山
藥憶此東望無時休塞垣春枯積雪留沙礫盛
黃雲愁五更疋馬隨鴈起想見鄧郭花稠稠百年
夸奪終一丘世上滿眼真悠悠寄身萬里心綢繆
莫道異趣無相求

爾雅美藻荷之摠各其花齒齒其實蓮其根蕪
○鄭郭在明州○揚惲傳古與今如一丘之貉
○退之雜詩向者夸奪了萬墳壓其巔○易同
氣相求言不可以儻釋之異而推志
右詩公自注云
奉使道中寄

九

白溝行詩万里鋤獲接塞垣幽燕桑葉暗川原
注按沈文通和王微之漁陽圖云燕山自是
家地北望分明掌股間休作畫圖張屋壁空令
壯士老朱顏沈亦公所善想當時諸賢者
有興復意如此等詩皆是不獨公云爾

蕃使常來射狐兔

自五代來契丹歲壓境及中國徵發即引
去遣問之曰吾校獵爾以是困中國

王荊文公詩卷之八

鴈湖李

壁

箋註

須溪劉

辰翁

批點

古詩

送李屯田守桂陽二首

泊船香爐峯始與子相識寄書邗江上語我峯下
石緣以湘水竹携持與南北永懷故人歡不願百
金易竹枯歸樵蘇石爛棄沙礫夷門忽邂逅綠髮
皆半白追思少時事悅仰如一夕老矣無所事空
知念疇昔常思一杯酒要子相解釋出門事紛紛

歸臥意還甌聞宮上湓水持詔出

一作

嶺阨方為

萬里別執手先慘戚茲游信浩蕩山水多所得為
我謝香爐風塵每相憶

首尾語

孟浩然詩泊舟潯陽郭始見香爐峯。寰宇志揚州合瀆渠本吳越邗溝以通江淮之水。路昔吳王夫差將往齊也。邗中國自廣陵城東南築邗城下掘深溝謂之邗江亦曰邗溝。子虛賦與其窮極倦甌驚憚龍言伏甌音劇倦也。

其二

倉黃離家問南北中路思歸歸不得風濤何處不
驚人兩雪前村更欺客舊交旌旆此盤桓見我即
令兒解鞍荒山樂官歌舞拙提壺沽酒聊一歡行

藏欲話眉不展互歎別離心
纏繞行年半百勞如此南畝催耕未宜晚

黃離思歸詞河子為鶴詩鶴山樂官提壺書
伯勞催耕皆鳥名詩逐句藏鳥名亦知羅名

和仲慶出守潭

吳公治河南名出漢庭右高才有公孫相望千載
後平明省門開吏接堂上肘指搗談笑間靜若在
林藪連墻畫山水隱几詩千首浩然江湖思果得
東南守傳鼓上清湘旌旗蔽牛斗方今河南治復
在荆人口自古楚有材鄙渌多美酒不知尊前客
更得賈生否

八卷

賈生傳文帝初立聞河南守吳公治平為天下
第一。中庶自三司戶部副使以天章待制知
庫三司事劇吏猥眾故云接肘。襄公二十六
年雖楚有材晉實用之鄙渌見和微之登高齋
。道先為河南吳公客後請長沙令公
言尊前客又施之吳姓用事精切如此

即事六首

我起影亦起我留影逡巡我意不在影影長隨我
身交游義相好骨肉情相親如何有乖睽不得同
苦辛古意

莊子齊物論罔兩問景曰曩子行今子止曩子
坐今子起何其無特操歟。杜詩哀哉兩决絕
不復同
苦辛

其二

昏昏白日卧皎皎終夜愁明月入枕席涼風動衾
情蜚蟬相鳴悲上下無時休徒能感我耳顧爾空
知秋如北寫景復勝如古詩十
九首以其意不在景也

其三

懷王自墮馬賈傳至死悲古人事一職豈敢苟然
為哭死非為生吾心良不欺滔滔聲利間絳灌亦
何知

梁王勝墜馬死賈誼自傷為傳無狀常哭泣後
歲餘亦死賈生之死年二十三。王自墮馬一死
豈必生之過而生自剋其如此言古人不苟其
官也韋顛厚為近臣當敬宗初每入見即自陳
有罪願前死以謝帝曰何哉顛曰臣請為諫官
不能死身使先帝困歎與也而至不壽於法應諫

然所以不死者陛下在春宮十有五矣今皇子
方襁褓臣不敢避死亡之誅忠愛媿惻以處厚
之事觀之誼之責已不為過也。余嘗愛王逢
原一詩與荆公詩意類今錄於此古人重非道
飢不苟豆羹有為非其心或不脫冕行如何後
世人以官業其生鄙哉樂欺人猶以李自名。
甚相遠在

其四

先生善鼓瑟齊國好吹竽操竽入齊人雅鄭亦復
殊豈不得祿賜歸卧自款啟寥寥采然絃老矣誰
與娛

介父真迹數殊二字與俗書不同蓋數字不合
如此寫世俗從支從皮皆非也殊字亦然退
之若陳商書齊王好竽有求仕於齊者操瑟而
往立王之門三年不得入叱曰吾惡鼓之能使

鬼神上下吾毀瑟合軒轅氏之律呂客罵之曰
上好學而一毀瑟必瑟雖工如王不好何

其五

商陽殺三人每輒不忍視亦均食君食報禮當如
此波瀾吹九州金石安得止求懷南山阿慷慨中

夜起

檀弓下工尹商陽與陳棄疾追吳師及之棄疾
謂商陽曰王事也子手弓不可手弓子射諸射
之斃一人斃弓又及謂之又斃二人每斃一人
揜其目止其御曰朝不坐燕不與訟三人亦足
以反命矣孔子曰殺人之中又有禮焉。章茂
憲侍郎所藏真跡乃作亦云今君實

其六

日月隨天旋疾遲與天伴寒暑自有常不顧萬物

八卷

求蟬蔽朝夕蟪蛄疑春秋眇眇萬古曆回環今

幾周

晉書天文志天旁轉如推磨而左行日月右行
倚天左轉故日月實東行而天牽之以西沒言
之於蟬行磨石之上磨左旋而蟬右去磨疾而
蟬遲故不得不隨磨而左廻。詩蟬蛄之羽衣
裳楚楚注渠畧也朝生夕
死。莊子蟪蛄不知春秋

送鄭叔熊歸閩

鄭子喜論兵魁然萬人敵嘗持一尺箠跨馬河南
北方今邊利害口手能講畫疑師穀城翁方畧已
自得天兵卷甲老壯士不肉食低回向詩書文字
銳鑄刻科名又齟齬棄置非人力黃塵彫鬪裘逆

旅同偈，及秋風吹殘，汗霏雪已驚。客浩歌，隨東舟別我，無慘惻。聞生今好游，往往老妻息南陔。所慕夫命，豈終塞。

在正天下篇一尺之推目取其半。張良得穀滅山下黃石即我也。小杜詩贈以蜀馬。以詩蜀蜀表蜀實表日。本表皆以外國得名。

寄二弟 時在臨川

蕭條冬風高，吹我冠上霜。我行歲已寒，悲歎山路長。持此大馬心，千里不能得。一作將使汝身百息辛。勤冒川梁青，燈照詩書仰。屋淨數行不，有朝成思詎。知遠遊傷。

李氏沅江書堂

沅江水有梁，與曾沅田桑樹可蠶耕。君於吾間恥射利，獨岸清沅留朱。夢詩書當前日，開盡。坐相逢，迎勉求高論，出施設無以私智為公。卿。

休假大佛寺

罷備得休假，衣冠倦趨翔。挾書聊自娛，解帶寺東廊。六龍高徘徊，光景在我裳。冬屋稍暄暖，病身更強梁。從我有不思，捨我有不忘。問誰可與言，攜手此徜徉。婉婉吾所愛，新居乃鄰墻。寄聲能來遊，誰用寫愁傷。

注梁孝必遇其敵金人三緘銘。王令詩。或即令或頌去即我不思不苦公詩之說。

以河 別謝師宰

閭闔城西地如水雞鳴黃塵波浪起句自窮年一

馬望扶桑東得省門身輒止簿書期會老紛紛

迨論心喜有君數日未多還捨我相看愁思亂於

雲

塵頭之高如波浪激湧盛言車馬奔馳之衆。賈誼傳以簿書不報期會為大故。

解使事泊棠陰時三弟皆在京師二首

始吾泊棠陰三子不在舟今當捨之去三子還遠

遊茫然千里水今見荻花洲俛仰換春冬紛紛空

六卷

百憂環我山川異往矣霰雪稠登高一涕泗寄此

寒江流

介甫嘉祐三年二月自常州移提點江東刑獄此二換春冬去官時當是四年自是入為三司判官獻萬言書深言當世之故所謂百憂皆書中所論者

其二

泊船棠陰下灘水清且淺回首望孤城浮雲一何

緬久留非吾意欲去猶繾綣馳心故人側一望三

四反蕭蕭東堂竹異日留息偃無恩被南國疑此

行當翦

驊騮

龍德不可係變化誰能謀驩駟亦駁物卓犖地上
遊怒行追疾風忽忽跨九州轍跡古所到山川略
能周鴻蒙無人梯沆瀣遶天浮巉巖技育真仙聖
所止留欲往輒不能視龍乃知羞來與平凡甚不
可測

列子渤海之東有大壑焉中有五山曰蓬萊蓬
萊所居之人皆仙聖之種

寄朱氏妹 朱明之也

昔來高郵居我始得朱子從容談笑間已足見奇
偉行尋城陰田坐釣渠下止歸來同食眠左右皆
圖史入視爾諸幼歡言亦多社當時獨張倩遠在
廬山此沈君未言昏名已習吾耳安知十年來乖

八卷

隔非願始相逢輒念遠悲吒多於喜今茲豈人力
所念皆聚此諸鄉言未有滿眼秀而美低回吾親
側亦是慰勞止嗟予迫時恩一傳日千里爾舟亦
已戒五兩翻然起蕭蕭東南縣望爾何時已空知
夢為魚逆上西安水 張倩謂張奎沈君季長也

史記田光曰騏驎盛壯之時一日而馳千里據
一傳日千里之句公時為江東提刑郭璞江
賦爾乃隸秀侵於清旭規五兩之動靜注五兩
鳥毛血之置壻竿之上以候風也

贈陳君景初 景初本末 注見別篇

吾嘗竒華化腸胃真割剖神膏既傳之頃刻活殘
朽音聞今則信絕技世常有堂堂潁川士察脉極

淵藪珍丸起病瘠鱸蟲隨泄嘔攀足四五年下針
使之走一言儻不合萬金莫可誘文復能賦詩往
徃吹瓊玖卷紙誇速成語怪若神授名聲動京洛
蹤跡晦良莠相逢但長笑一作遇飲輒掩口獨醒
竟何如無乃寡俗偶顧非避世翁疑是壁中叟安
得斯人術付之經國手

列子湯問篇扁鵲飲魯公扈趙齊嬰二人毒酒
迷死三日剖胃探心易而置之長以神藥既悟
如初注言恢誕乃書記少有魏華佗傳若病結
積在內鐵藥所不及當須刻刻若飲以寒沸散
須臾如醉死無所知因破取病若在腸中更斷
腸前洗縫腹膏摩四五日差人亦不自言一月
之間即平復矣○穎川士謂陳君也他傳陳寔
病憊佗曰使君胃中有蟲數升欲成內疽食腥

物所為飲以藥吐出三升許蟲半身是生魚鱸
○廣記神仙傳遇山間石壁壁上盤石博
入其中漸見背及兩耳良久都沒又能吞刀劍
十數枚及壁中出入如孔穴也

贈張康

昔在歷陽時得子初江津手中紫團參一飲寬吾
親捨舟城南居杖履日相因百口代起伏呻吟聒
比鄰叩門或夜半屢費藥物珍欲報恨不得腸胃
盤車輪今逢又坎珂令子馳風塵顛倒車馬間起
先冰雪晨嗟我十五年得祿尚辭貧所讀漫累車
豈能蘇一人無求愧子義有施慙子仁逝將收桑
榆邀子寂寞濱

密陽今和州。介甫嘗云平生不厭紫園參。活到今百卒。辭退者公此取於醫為親政也。言讀書雖多無補於時。曾不如醫之猶能活人。此公謙言。為異博光武。奎書報異曰。可謂失之東隅。收之桑榆。退之谷。崔立之書。猶將耕於寬。謂之野。釣於寂寞之濱。

送程公闢之豫章

畫船插幟搖秋光。鳴鑼伐鼓水洋洋。豫章太守吳郡郎。行指斗牛先過鄉。鄉人出郭航酒漿。魚鱉膾魚炊稻梁。茨頭肥大菱腰長。醕醢喧呼坐滿床。怪君三年滯瞿塘。又驅傳馬登太行。纓旄脫盡歸大梁。翻然出走天南疆。九江左投貢與章。揚瀾吹漂浩無旁。老蛟戲水風助狂。盤渦忽折千丈強。君聞

八卷

九

此語悲慨。凛迎吏乃前持一觴。鄙州歷選多俊良。鎮撫時有諸侯王。拂天高閣朱鳥翔。西山蟠繞鱗鬣蒼。下視城塹真金湯。雄樓傑屋鬱相望。中戶尚有千金藏。漂田種杭出穰穰。沉檀珠犀雜萬商。大舟如山起牙樯。輸瀉交廣流荆楊。輕裾利屣列名倡。春風踏謠能斷腸。平湖灣塢煙渺茫。樹石珍恠花草香。幽處往往聞笙簧。地靈人秀古所臧。勝兵可使酒可嘗。十州將吏隨低昂。談笑指揮回雨暘。非君才高力方剛。豈得跨有此一方。謂無為聽客欲霑裳。使君謝吏趣治裝。我行樂矣未渠央。此結

否何用
尚量

師孟字公闢本傳吳郡人故稱吳郡郎。蘇武
伏美節卧起操持節旄尺落。公闢先為夔州
路提點刑獄夷數犯渝州邊公闢自為三司判官
渝州大賑民饑旋徙並河東路入為三司判官
刑部郎中出知洪州時嘉祐七年五月。貢水
章水二水各今在虔州。韓文聽穎師琴失勢
一落千丈強。諸侯王謂滕王本朝太宗第六
子元溼亦嘗為鎮南節度洪州管內觀察處置
等使。子厚馬思山茅亭記是山率然起於奔
蒼之中亘數百里尾蟠荒原首注大溪亦言鱗
鬣之類。荆通傳皆為金城湯池洪州城之
西為大江大江之外為西山特高雖隔江
下視州城如金湯。社牧鍾陵詩垂樓五幕青
雲合可見其盛。牙檣罨蒼云驅註也今之計
航木。貨殖傳趙女鄭姬揄長袖躡利屐。踏謠
踏歌也。晉人語北齊酒可飲兵可用。

鳳凰山二首

驅馬信所適落日望九州青山滿天地何往為吾
丘貧賤身祗辱富貴道足羞涉世諒如此惜哉去
無由賴其能言尚可想見

其二

歡樂欲與少年期人生百年常苦遲白頭富貴何
所用氣力但為憂勤衰頽為五陵輕薄兒生在正
觀開元時鬪雞走犬過一生天地安危兩不知怨

爰盜傳与閭里浮沉相隨行鬪雞走狗

夢中作

青門道北雲為屋大壚貯酒千萬斛燭龍注雨如

車軸不畏不售畏不續

長安城東第一門曰青城門或曰青門燭字當是獨字華嚴經龍王於彼大海中兩滴如車軸

彭蠡

茫茫彭蠡春無地白浪春風濕天際東西接拖萬
舟回千載老蛟時出戲少年輕事鎮南來水怒如
山帆正開中流蜿蜒見春尾觀者膽墮余方哈衣
冠今日龍山路廟下沽酒山前住老矣安能學飲
飛買田欲棄江湖去

春無地者言春漲渺然皆水。鎮南謂豫章觀此詩公必嘗見彭蠡龍。呂氏春秋荆有飲飛者得寶劍涉江中流有蛟繞其舟飲飛以龍江刺蛟殺之舟中之人皆活楚王聞之伯以龍

六卷

圭漢宣紀應募飲飛射士注引楚人事因以名勇力之官許真云飲便也許說與如淳異

牛渚

宣城舊志牛渚山突出江中

歷陽之南有牛渚一風微吹萬舟阻葦戎蠻蜀支
百川合為大江神所躔山盤水怒不得泄到此乃
有無窮淵朱衣乘車作官府操制生殺非無權陰
靈秘怪不欲露燬犀得禍却偶然

退之詩凝湛閼陰罽温嶠自都旋下武昌至牛渚磯水深不可測世云其下多怪物遂燬犀角照之須臾見水族覆火奇形異狀或乘馬車着赤衣者矯其夜夢人謂已曰與君幽明道別何意相照意甚惡之尋卒

東門

東門白下亭摧壁蔓寒葩淺沙杙素舸一水宛秋
蛇漁商數十室門巷隱桑麻翰林謫仙人往歲酒
姥家調笑此水上能歌揚白花楊花飛白雪枝裊
綠煙斜舞袖卷煙雪綺裘明紫霞風流翳蓬顆故
地使人嗟迢迢陌頭青空復可藏鴉

翰林謂大白嘗有白下亭詩魏灝作白集序
載白携金陵之妓裴敬作白碑載白嘗游上元
蔣山讚誌公則白下公嘗所游歷吳酒姥家借
用王方平事○古樂府揚白花風吹渡江水坐
令宮樹無顏色搖蕩春光千萬里○賈山傳蓬
顆蔽冢師古曰顆謂土塊也蓬顆言土上生蓬
青○陌頭

王荆文公詩卷之八

胡氏新刊

王荆文公詩卷之九

鴈湖李

壁

箋註

須溪劉

辰翁

批點

古詩

和王微之登高齋二首

寒雲沈屯白日埋河漢蕩圻天如筴衡門兼旬限
泥潦卧聽窾木鳴相挨蕭晨忽掃纖翳盡北嶺初
出青嵬嵬微之新詩動我目爛若火齊金盤堆想
携諸彦眺平野高論歷詆秦以來航船淋浪始快
意忽憶歸雲恐是去字胡為哉念君少壯輟游衍發揮

春秋名王杯書成不得斷國論但比一作空語傳

八垓登臨興罷因感觸更欲遠引追宗雷君知富
貴亦何有諂譽未足償譏排風豪雨橫費調燮坐
使髮背為黃台留賓往往夜參半雖有樽俎無由
開江南佳麗非一日况乃故國名池臺能招過客
飲文字山水又足供歡哈剩留官屋貯酒母取醉
不竭當如淮

莊子六木百圍之竅穴。蕭晨秋晨蕭索也。韓詩磊落火齊金盤堆。董仲舒傳說春秋事得失所著書有王杯繁露之屬。谷永薦薛宣經術文雅足以謀王体斷國論。東林蓮社十人中宗雷次宗。說文餘酒母也。豐記女仙傳有酒母事然非此。左傳有酒如淮。按

第公宿集康定辛巳為棄公清臣作高齊記云
南唐李氏因城作臺望月下臨潘濠正面覆舟
山南對長干西望冶城立齋其上而絕境難摸
了不可得今誅謝宣城宴坐之意直題曰高齊云

其二

干戈六代戰血埋雙闕尚指山崔嵬當時君臣但
兒戲把酒空勸長星杯臨春美女閉黃壤玉枝白
藥繁如堆後庭新聲變樵牧興廢倏忽何其哀咸
陽龍移九州圻遺種變化呼風雷蕭條中原碣無
水岨強又此憑江淮廣陵衣冠掃地去穿鑿一作築
隴畝為池臺吳儂傾家助經始尺土不惜秦人筵
珠犀磊落萬艘入金壁照耀千門開建隆天飛跨

九卷

兩海南發交廣東温台中間葉葉地無幾欲又割
據誠難哉靈旗指麾盡貔虎談笑力可南山排樓
船蔽川莫敢動扶伏但有謀臣來百年滄洲自潮
沒事往不與波爭廻黃雲荒城失苑路白草廢時
空壇垓使君新篇韻險絕登眺感悼隨嘲哈嗟予
愁憊氣已竭對壘每欲相剿揆揮毫更想能一戰
數窘乃見詩人才

梁書何胤曰世傳晉室欲立雙闕王丞相指牛
頭山云此天闕也是則未明立闕之意闕者謂
之象魏縣治象於其上挾日而收之象者法也
魏者當塗而高大貌。晉武帝云長星勸尔一
杯酒。陳後主至德二年於光昭殿前為三閣
後主自居臨春閣張麗華居結綺閣蘇若蘭居

地居望僊閣此言臨春美女統之於主公。後
王每引狎客江摠等同後宮游燕賦詩相贈答
米其尤艷麗者被以新聲習而歌之如玉樹後
庭花等大抵皆美張孔之姿色。咸陽龍移謂
唐末造朱全忠迫遷昭宗於維陽。唐主李昇
欲祖吳王恪或曰恪誅死不若祖鄭王元懿唐
主命有司考二王苗裔以吳王孫緯有功緯子
峴為宰相遂祖吳王。吳越史又言李昇本徐
氏湖州安吉人為安吉令先是其家有梨樹結
一實大如升其父異之將獻郡守有謂其父曰
此果非常年所有即上獻來年是微安知復有
此物不如勿獻其父然之因會鄰里將共食即
帝割之有赤蛇在實中割者大驚投刃於地俄
而赤蛇走其母榻下尋之了無所見未幾其母
遂孕知誥疑公所謂遺種者或指赤蛇也又據
九國志天祐中金陵有狂僧每在衢路中自言
求飛龍天子及昇來為刺史僧乃不復言又童
謠云東海鯉魚飛上天蓋昇養於徐氏之應。
莊子庚桑楚篇吞舟之魚碭而失水碭薄也。
唐主初欲都江都以水淺槽運不給復還金陵。

集

三

史稱李昇始相僞吳居廣陵大和元年出鎮金
陵後遂僭稱以揚州為東都。史記三垓注垓
重也三。○賈山傳節士築阿房之宮師古曰
重壇也。○符以竹篾為之篾音師又山皆反

和微之登高齋

六朝人物隨煙埃金輿玉几安在哉鍾山石城已
寂寞祇見江水雲端來百年故老有存者尚憶世
宗初伐淮魏王兵馬接踵出旗纛千里相搪挨當
時謀臣非不衆上國拔取多陪臺龍飛九天跨四
海一水欲阻真堪一作哈降王北歸樓殿拆棄屋
尚鎖黃一作金堆神靈變化自真主將帥何力求
公台山川清明草木靜天地不復屯雲雷使君登高

一訪古傷此陳迹聊持盃因留佳客坐披寫醜醜笑
語傾如篋酒酣重惜功業晚老矣萬卷徒兼該攢
峯列壑動歸興憂端落筆何崔嵬餘年無權易感
激亦愧莊叟能安排青燈明滅照不寐但把君詩

盞且開

三詩牽強皆未精又時時多一
韻如第二篇才字第三該字

周顯德二年十一月卅日始命李穀王彥超督
韓令坤十二將伐唐為浮梁自正陽濟維三年
春下詔親征。據符彥鄉在周卅日始命李穀
王然據傳止是立功北方不曾遣征江南又卅
宗七子其一為恭帝餘六人曰吳王誠韓王誠
曹王熙讓紕王熙謹新王熙誨越王誼啓勿且
無封魏王者。昭七年是無陪臺也。周卅日
謂鍾謨與朕止隔一水未嘗遣一介修好。李
煜平後賈黃中知昇州察行齊一盤見一室高鏽
甚固命發鑰視之得金寶數十箇價直數萬萬

九卷

①

乃李氏宮閣中遺物未著於籍者即表上之上
曰非黃中廉恪則亡國之寶幾汚法而害人矣
賜錢二十萬詩所言殘金必指此。始曹彬伐
江南上許以使相為賞及還語彬曰今方隅尚
有未服者汝為使相為品位種矣肯復力戰耶更
為我取太原止賜錢五十萬彬快快。盛弘之
荆州記淶水出豫章康樂縣其間烏程鄉有酒
官取水為酒極香美與湘東翻湖酒併獻之世
稱酈淶酒。西清詩話王師吊伐江左城將破
或夢卅角女子行空中以巨篋物散落如巨
著地皆成人問其故曰此當死于難者後見一
貴人盛冠服繼墮於地云此徐舍人也既寤聞
徐錯死圍城中王文公兄弟在金陵和王微之
哲登高齋詩押篋字韻平甫云當時徐氏擅筆
墨夜圍夢墮空中篋此事奇譎而盤屈就強韻
可謂工矣

和董伯懿詠裴晉公平淮西將佐題名

元和伐蔡何危哉朝廷百口無一諧盜傷中丞偶

不死利劍白日投天街。裹瘡入朝議，軍國國火一
再更。檀槐上前慷慨語，發涕誓出按撫除。睽乖指
撫光顏戰，洄曲闕如怒。虎搏虺豺，翹能捕虜取肝
膈。護送密乞完形骸，箝兵夜半投死地。雪濕不敢
燃薪，黠空城堅守。一作堅子已可縛中使，尚作兒。覘一作
兒哇退之道。此尤雋偉，當鏤玉板東。燔柴欲編詩，
書播後嗣。筆黑雖巧，終類佛。唐從天寶，違中北廊
廟。往往非忠佳，諸侯縱橫代割據。疆土豈得無離
佞。德宗末年，懲戰禍一矢不試。塵蒙鞞，憲皇初起
衆未信，意欲立掃除。昏霾追還清明，救薄鍾。靈勳
主府拘窮蛙，王師傷夷征賊窟。千里亦忌毫釐差，
小夫偷安徒自計。長者遠慮或可懷，拓在晉公忠
且壯。時命適與功名偕，是非末世主。以敗烜赫今
古誰譏，排賢哉。韋純議北赦，倉字兩代尤難。皆重
華聲明，彌萬國服。苗干羽舞兩階，字上側身內修
政。常德立武能平淮，昔人經綸初若綏。欲棄此道
非吾儕，千秋事往縱跡在嶽石。欵記如湘崖，文嚴
字麗。皆可喜，黃埃蔽沒蒼鮮埋。當時守佐盡豪傑，
想此兵禱陪祠齋。君曾西遷為拓本，流麝割蜜親
劑。措新篇波瀾，特浩蕩把卷孰讀。迷津涯，保賢樂

善自為美當掛廟壁為詩牌

度傳度為御史中丞王承宗李師道謀緩蔡兵
乃伏盜京師刺用事大臣已害宰相武元衡又
擊度刃三進斷鞅荆分勿切背裂中單又傷首
度冒道得不死。度傳度病瘡一再旬分肅兵
護第存候踵路詔无須正衙即對延英。冬取
拂檀之火。度傳度請身督戰帝獨目度曰果
為朕行乎度俯伏流涕曰臣誓不與賊借存即
拜門下侍郎平章事彰義軍節度使准西宣慰
招討處置使度入對延英曰主憂臣辱義在必
死賊未授首臣无還期帝壯之。李愬傳李光
顏戰數勝元濟悉銳率屯洹曲以抗光顏。李
愬傳吳秀琳為愬策曰必破賊非李祐无志成
功者祐健將也守貝橋柵其戰常易官軍翹遺
史用誠以壯騎三百伏其旁見羸卒祐果輕出
軍中多諫此人不可近將吏難然不解愬力不
能獨完乃持以泣曰天不欲平蔡乎何見奪者
衆也乃械而送之朝表言必殺祐无志共誅蔡

九采

少

者詎釋還愬署六院兵馬使。搆兵猶銜枚之
誼漢異姓諸侯王表符語澆書師古曰搆其口
不聽妄言搆兵亦此義韓信傳投之死地然後
生。功韻蕪麻釋音皆字書蕪禾藁亦作稽李
愬傳元和十一年十月巳卯師夜起祐以突將
三千為先鋒李忠義副之愬率中軍三千田進
誠以下軍殺會大兩雪天晦凜風偃旗裂膚馬
皆縮慄士抱戈凍死于道十一二張柴之東陂
澤阻與衆未嘗陷也皆謂投不測然業已從愬
人人不敢自為計行七十里夜半至懸瓠城雪
甚城旁皆鵝鷺池愬令擊之以亂軍聲祐等坎
墉先登衆從之黎明雪止愬入駐元濟外宅蔡
吏驚曰城陷矣元濟請罪梯而下檻送京師申光
傳之火南門元濟請罪梯而下檻送京師申光
諸屯尚二萬衆皆降愬不戢一人。退之潮州
謝表臣於當時之文亦未有過人者。至於論述
陛下功德尚詩書相表裏作爲歌詩薦之郊廟
紀泰山之封鏤白玉之牒鋪張對天之宏休揚
斥無前之偉績編之乎詩書之策而無愧措之
乎天地之間而無虧雖使占人復生臣亦未肯

多讓云云余嘗以淮西師誠所謂縞之詩音之
冊而無愧類併之說殆非至公豈公別有說耶
。德宗自經朱泚李懷光之變姑息藩鎮大甚
每節度使死先遣中使詣軍覲軍心之嚮背者
西而立之朝筵下敢一自除授字書鞞鞞前室
譯名曰步又人所帶以箭以其中馬上曰鞞義
亦作鞞音釵。退之詩弊蛙拘送主府官帝箸
一腹嘗其脯。樂記非與時並名與功借樂之
器也。韋員之傳本名純避憲宗諱以字行為
中書侍郎即韋元濟也貫之請釋鎮州守力非
西且言陛下豈不知建中之事乎始於蔡急而
魏應之也齊趙同起德宗引天下兵誅之物力
殫屈故朱泚乘以為亂此非它速於撲滅也今
陛下獨不能少忍俟蔡平而誅鎮耶時帝業已
討鎮不從終之蔡平鎮乃服。湘崖語溪碑元
結所作中興頌。唐雜史裴晉公赴敵淮西題
名華岳廟之關門大順中戶部侍郎司空圖以
一紀紀之曰岳前大隊赴淮西從此中原息戰
鼙鼓不關莫教舌舌鮮上分明認取晉公題。韋庶
物石鼓歌今人濡紙脫其文既擊既掃白黑分

九卷

七

元和十二年八月丞相奉詔平淮右八日東過
淮陰在干岳廟揔等八人實備將佐以微

用王微之韻和酬即事書懷

奈惜逝者老晉嘉良士休古人皆好樂哀此歲月
道嗟我抱愁盡殘年自羈囚但為兔得蹄非復天
上鷗雖知林塘美欲往輒回輒名園一散策笑語
隨觥籌探題遶梅花高詠接應劉宿雨洗荒漸寒
蛟沈老湫泓洄信畫舸歸路子城幽冬風不改綠
忽見新陽浮歡事去如夢嘉時念難留明發得君
句謂將續前游語我飲倡樂不如詩獻酬淮洲奏
鍾磬雅刺德不猶文墨有真趣荒遙何足收來篇

若淑女窈窕衆所求。茲理儻可詣。華簪爲君抽。

秦詩車鄰逝者其萎。晉詩蟋蟀良士休休。易略刻猶蹄者所以任兔得兔而忘蹄。應劭在建安子之數。順水曰公連水曰河。倡酬比之賢於醉紅裙者遠矣。鼓鍾伐磬淮有三洲。憂心且妯。淑人君子其德不猶。

和吳仲庶

刀筆漫無營。圖書紛不御。平生携手人。邂逅賞心處。名卿邵朱邑。膚使超嚴助。都官富篇章。博士熟經據。豈特好微言。又多知大慮。從容故天幸。個儻盡人譽。千艘來交荆。萬舸去揚豫。良無此嘉客。式燕吾所庶。

九卷

揚子淵塞篇或問近世名卿云云。宋邑守北海以治行第一入爲大司農。博稱邑身爲列卿。若題後節性公正不可干以私。又難言之。膚使其猶劣諸。歲助。率賢良獨擢爲中大夫。闕越。兵圍東甌。廼遣助以節發兵。會稽浮海救東甌。後三歲闕越復與兵擊南越。漢兵遂出踰嶺會閩越。王弟殺王以降。移令助。漢兵遂出踰嶺會南越。遣大子隨助。侍助還歸。奏上。大說。

出鞏縣

昭陵落月煙霧昏。篝火度谷行山根。投鞭委轡涉數村。寤出鞏縣城東門。向來宮闕不可見。但有洛水流渾渾。

昭陵仁宗陵也。按林希朝陵記。自棗陽過洪溝。食武牢。閔憇任村。鋪始見洛水。入黃河。循洛而行。過鞏五里。入昭陵路。即下視昭陵。厚二陵宮闕森然。不竟。想慕行人。指昭陵以相告曰。此四十

一平官家陵也涕泗蒼然。向來恐謂漢唐時也。晏丞相嘗有題壁縣西門周宏王廟詩云人來人去市朝變山後山前煙霧凝紫帶一川河洛水寂寞千古帝王陵

書任村馬鋪

兒童繫馬黃河曲近岸河流如可掬任村炊采朝食魚日暮滎陽驛中宿投老經過身獨在當時洲渚今平陸秣黍冥冥十數家仰視荒蹊但喬木水般盤美客自知起看白水還東馳爾來百口皆年少歸與何人共此悲

滎陽在鄭州○柳詩黃葉西風度橋荒村惟古木

葛蘊作巫山高愛其飄逸因亦作兩篇

九卷

九

巫山高十二峯上有往來飄忽之猿綠下有出沒澆澆之蛟龍三語便不可駕中有倚薄縹緲之神宮神人處子冰雪容吸風飲露虛無中千歲寂寞無人逢邂逅乃與襄王通丹崖碧嶂深重重白月如日明房龕不必珠自佳象牀玉几來自從錦屏翠幔金芙蓉陽臺美人多楚語祇有纖腰能楚舞爭吹鳳管鳴鼉鼓那知襄王夢時事但見朝朝暮暮長雲雨

兩脫

高唐賦巨石滂澗之澆澆今澆澆以言水石今用之蛟龍尤兀○月拍珠也杜詩大珠脫玷翳白月當虛空○代山宗石室中上下懸絕中有金牀玉几今言來自從者神女携以俱也○言

楚王細腰纖麗之多不知王又自夢神女○雲
華夫人傳禹嘗詣之於崇嶽之巔顧野之際化
而為石或倏然飛騰散為輕雲油然而止豈為
之雨千態萬狀不可親也禹疑其狡獪怪誕亦
有真仙也問諸童津津曰疑氣成真與道合躰隱
見變化蓋其常也大包造化細入毫髮在人為
人在物為物豈上於雲雨哉據此所稱雲雨蓋
事涉道真理該變化後世乃以喻情欲之事其
褻瀆甚矣高唐賦妾在巫山之陽高丘之阻旦
為朝雲暮為行雨朝朝暮暮陽臺之下

其二

巫山高偃薄江水之滔滔水於天下實至險山亦
起伏為波濤其巔冥冥不可見崖岸斗絕悲猿猱
赤楓青檫生滿谷山鬼白日樵人遭窈窕陽臺彼
神女朝朝暮暮能雲雨以雲為衣月為褚乘光服

九卷

十一

暗無留阻崑崙曾城道可取方丈蓬萊多伴侶塊

獨守此嗟何求况乃低回夢中語

怪愈怪詩愈奇而正大切實隱

然破千古之惑其飄然

廣記神女王母女名瑤姬嘗遊東海還過江上

有巫山焉峯巖挺拔林壑幽麗巨石如壘留連

久之兼夫人所領雲華上宮理在玉峽之臺崑

崙蓬萊蓋不足道今公所云第本宋玉之謠○

楚詞塊獨守此無澤兮仰浮雲而求歎○高唐

賦昔者先王嘗遊高唐怠而晝寢夢見一婦人

曰妾巫山之女也為高唐之客聞君遊高唐願

薦枕席王因幸之○王建詩美人別來無處所

巫山明月湘江雨千回相見不分明并底看星

西風

夢中語公此詩体制頌類歐公廬山高皆一代

少年不知秋喜聞西風生老大多感傷畏此蟋蟀
鳴况乃捨親友抱病獨遠行中夜卧不周惻惻感
我情起視天正黑弱雲亂縱橫似有霰雪飄不復
星斗明時節忽如此重令壯心驚諒無同憂人樽
酒安可傾

言年少氣盛時未知秋之可悲○杜集江雨有
懷鄭典設弱雲狼籍不禁風○言同志者少无
樂與為

昭雲 又雨

煤炆著天無寸空白沫上岸吹魚龍羲和推車出
不得河伯欲取山為宮城門書開眠百賈飢孫得

九已 十一

糟夜舖翁老人慣事少所怪看屋箕俚歌南風

道必至重
思奔特

玉川子月蝕詩摧環破壁眼前盡當天一撻如
煤炆○羲和日官河伯姓焉名夷華陽潼鄉人
漢武帝歌為我謂河伯兮何不仁泛濫不止兮
愁吾人取山為宮懷山是也○魯直對酒歌南
陽城門雪三日城門晝開眠賈客疑用公語○
歐公有食糟民詩言難食也○歌南風欲晴也
○程伊川云風從東北來則雨自南自西則不
雨向者自東自北皆屬陽坎卦本陽陽皆而陰
和故雨自西自南陰也
陰唱則陽不和故不雨

登高齋

飲又劉據載雜哉方曹彬伐江南太祖嘗謂曰
但只要他歸服護勿殺是他无罪過自是自家
着它不得卿切會取曹曰謹奉詔旨不敢違越
丁晉公曰今國家享无疆之休良由是耳
和正 微之登高齋

發揮春秋各玉杯蓋仲舒博談春秋事得夫玉
杯繫系露清明分林之屬數十篇顏師古注皆其
所注書名今繁露中有王杯竹林二篇繁露之
名按逸周書玉會解天子南面立統統繁露注
云繁露露之所謂也亦有聯貫之象春秋屬辭比
事仲舒立名或取諸此然王杯之名亦必有所
義也



文公詩卷之九

補注和登高齋詩扶伏但有謀臣來開寶八年平煜
命靈絳自金陵引所部舟師救京口而劉澄已降
始遣周維簡徐鉉赴闕乞緩兵鉉自以江南謀臣
欲以口舌馳說存其國况至升殿詞累數百上曰

不謂父子為兩家可乎
伯懿詩疆上豈得無離仙周禮夏官彤方氏正
疆無有爽離之地鄭玄謂豈讀為仙哨之仙
哇反謂正之使不佞邪離絕



